



## Մ Ա Յ Ր Ա Թ Ո Ւ Ռ Ի Մ

ՄԱՐՏԻ 4-ԻՆ ՄԱՅՐ ՏԱՃԱՐՈՒՄ սկսվեցին Ս. Սեղանի վերակառուցման աշխատանքները: Այս առթիվ Վեհափառ Հայրապետը իր համաձայնությունը տվեց, որ Հայկական ՍՍՌ Գիտությունների ակադեմիայի Արվեստի ինստիտուտի կողմից կատարվեն պեղման աշխատանքներ: Պեղումները կղեկավարի ճարտարապետ Ալեքսանդր Սահինյանը:

Ս. Սեղանի վերակառուցման աշխատանքների ընթացքում սուրբ պատարագը կմատուցվի Իջման Ս. Սեղանի վրա:



ՄԱՐՏԻ 8-ԻՆ, ԴԱՏԱՎՈՐԻ ԿԻՐԱԿԻՆ, Մայր Տաճարի Ավագ Սեղանի վերաշինության պատճառով, սուրբ պատարագը մատուցվեց Իջման Ս. Սեղանի վրա: Պատարագեց հոգեւորդ Տ. Հուսիկ արեղա Սանթրոյանը և քարոզեց հոգեւորդ Տ. Մաշտոց արեղա Թաշիրյանը՝ «այրի կնոջ երկու լուծանքը»-ի բարոյական մեծ արժեքի մասին:

Սուրբ պատարագին ներկա էր Վեհափառ Հայրապետը:



ՄԱՐՏԻ 9-ԻՆ, ԵՐԿՈՒՇԱՐԹԻ, ժամը 3.30-ին, Հոգևոր Ճեմարանում դասախոսեց Ճեմարանի եվրոպական երաժշտության ուսուցիչ Մովսես Շարբաթյանը՝ «Կոմիտաս վարդապետը և նրա երաժշտությունը» շահեկան թեմայի շուրջ, որը լսվեց մեծ հետաքրքրությամբ:



ՄԱՐՏԻ 9-ԻՆ, ԵՐԿՈՒՇԱՐԹԻ երեկոյան, Վեհարանում տեղի ունեցավ միաբանական հավաքույթ, նվիրված հոգեւորդ Տ. Մաշտոց արեղա Թաշիրյանի քարոզի քննարկմանը:



ՄԱՐՏԻ 12-ԻՆ, ՀԻՆԳՇԱՐԹԻ, ժամը 3.30-ին, Հոգևոր Ճեմարանում դասախոսեց ճարտարապետ Լիպարիտ Սաղոյանը՝ «Հայերեն տպա-

գրական տառերի բարեփոխությունը» շատ այժմեական թեմայի շուրջ, որը լսվեց խորունկ հետաքրքրությամբ:

Դասախոսության ներկա էր Վեհափառ Հայրապետը: Վերջում վերատեսուչ արքազանը ջերմ շնորհակալություն հայտնեց շահեկան դասախոսության համար:



ՄԱՐՏԻ 13-ԻՆ, ՈՒՐԱԽ, թեմական գործերով Մայր Աթոռ ժամանեցին Արարատյան թեմի առաջնորդական փոխանորդ հոգեւորդ Տ. Վահան վարդապետ Գալամդարյանը, Վրաստանի հայոց առաջնորդի պաշտոնակատար հոգեւորդ Տ. Եղիշե վարդապետ Սարգսյանը, Շիրակի թեմի առաջնորդական փոխանորդ հոգեւորդ Տ. Հայրիկ վարդապետ Ավետիսյանը, Բաքվի թեմի առաջնորդական փոխանորդ հոգեւորդ Տ. Տիրայր վարդապետ Մարտիկյանը:

Վեհափառ Հայրապետը բարեհաճեց ընդունել հոգեւորդ վարդապետներին:

Ամսի 16-ին առաջնորդական փոխանորդ վարդապետները վերադարձան իրենց թեմերը:



ՄԱՐՏԻ 14-ԻՆ, ՇԱՐԱԽ, «Տօն Սրբոյն Գրիգորի Լուսաւորչին մերոյ սոսկալի շարշարանացն»: Փակ է Հոգևոր Ճեմարանը: Օրվա մեծ տոնի առթիվ Իջման Ս. Սեղանի առաջ հանդիսավոր սուրբ պատարագ մատուցեց գերաշնորհ Տ. Սահակ արքեպիսկոպոսը:



ՄԱՐՏԻ 15-ԻՆ, ԳԱՆՍՅԱՆ ԿԻՐԱԿԻՆ, Իջման Ս. Սեղանի առաջ պատարագեց արժանապատիվ Տ. Մկրտիչ ավագ քահանա Մկրտչյանը և քարոզեց Բաքվի թեմի առաջնորդական փոխանորդ հոգեւորդ Տ. Տիրայր վարդապետ Մարտիկյանը՝ «Երուսաղէմ, Երուսաղէմ, որ կոտորէիր զմարգարէս» բնաբանով:

Սուրբ պատարագին ներկա էր Վեհափառ Հայրապետը:





ՄԱՐՏԻ 16-ին, ԵՐԿՈՒՇԱՐԹԻ ԵՐԵԿՈՅԱՆ, Վեհարանում տեղի ունեցավ միաբանական հավաքույթ, նվիրված հոգեշնորհ Տ. Տիրայր վարդապետի քարոզի քննարկմանը:

Վեհափառ Հայրապետի կարգադրությամբ Մեծ պահոց օրերին Մայր Աթոռի բոլոր սարկավազները քարոզեցին մայրաքաղաքի եկեղեցիներում և էջմիածնի Ս. Աստվածածին եկեղեցում:

Երեկոյան Վեհափառ Հայրապետը շինիշու թելադրական խրատներ տվեց սարկավազներին և խոսեց «Ինչպե՞ս պետք է քարոզել» թեմայի շուրջը:



ՄԱՐՏԻ 19-ին, ՀԻՆԳՇԱՐԹԻ, Երեկոյան ժամը 4-ին, Հոգևոր Ծննդանի ուսանողությունը հանդիսավորապես երգեց վերջին Արևադարձի ժամերգության երգերը, ապրումով ու հուզումով:

Արևադարձի ժամերգության ներկա էր Վեհափառ Հայրապետը:



ՄԱՐՏԻ 22-ին, ԵԱՂԱԶԱՐԴԻ ԿԻՐԱԿԻՆ, Մայր Աթոռում ավանդական շուքով կատարվեցին Մաղկազարդի և «Դոնբացէք»-ի եկեղեցական արարողությունները: Մայր Տաճարում եպիսկոպոսական հանդիսավոր սուրբ պատարագ մատուցեց Հոգևոր Ծննդանի վերատեսուչ գերաշնորհ Տ. Հայկազուն եպիսկոպոս Աբրահամյանը:

«Հայր մեր»-ի ժամանակ քարոզեց պատարագիչ սրբազանը՝ նկարագրելով Քրիստոսի հաղթական մուտքը Երուսաղեմ, վեր հանելով նրա բարոյական նշանակությունը:

Սուրբ պատարագին ներկա էր Վեհափառ Հայրապետը:

Երեկոյան տեղի ունեցավ հանդիսավոր «Դոնբացէք»-ի արարողությունը:



ՄԱՐՏԻ 22-ին, ԵԱՂԱԶԱՐԴԻ ԿԻՐԱԿԻՆ, Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը էջմիածնի Ս. Աստվածածին եկեղեցում, սուրբ պատարագի ընթացքում, սարկավազ ձեռնադրեց ուրարակիրներ Հովհաննես Եղիայանին (ծնված 1926 թ.) և Վարուժան Առաքելյանին (ծնված 1936 թ.): Հովհաննես սարկավազն ընդունվեց Մայր Աթոռի միաբանության շարքերում, իսկ Վարուժան սարկավազը, Բաբվի հայոց եկեղեցում սպասավորելուց

հետո, Տիրոջ օգնականությամբ քահանայ ձեռնադրվի:

Երկու սարկավազներն էլ երիտասարդ նորուժեր են, Հայ եկեղեցուն ծառայելու ջերմ ուխտով տոգորված:



ՄԱՐՏԻ 25-ին, ՉՈՐԵՔՇԱՐԹԻ, արձակուրդ տրվեց Հոգևոր Ծննդանի ուսանողության՝ զատկական տոների առթիվ: Երեկոյան ժամերգությունից հետո ուսանողությունը խոստովանվեց Մայր Տաճարում: Վերատեսուչ սրբազանը, «արձակում» տալուց առաջ, ուսանողությանը խոսեց բովանդակալից և դաստիարակչական մի խրատական, խոստովանանքի հոգևոր արժեքի և բարոյական նշանակության մասին:



ՄԱՐՏԻ 26-ին, ԱՎԱԳ ՀԻՆԳՇԱՐԹԻ, «Յիշատակ ընթեաց Տեառն մերոյ Յիսուսի Քրիստոսի»:

Առավոտյան ժամերգությունից հետո Մայր Տաճարում պաշտվեց սուրբ պատարագ: Պատարագիչն էր Հոգևոր Ծննդանի փոխ տեսուչ հոգեշնորհ Տ. Մեսրոպ վարդապետ Անթաթյանը:

Սուրբ պատարագի ավարտին Հոգևոր Ծննդանի ուսանողությունը ստացավ Ս. Հաղորդություն:

Երեկոյան ժամը 5-ին, գերաշնորհ Տ. Սահակ արքեպիսկոպոսի հանդիսարդությանը, կատարվեց Ոստնալվայի հանդիսավոր կարգը:

«Ի գիշերին հսկումն է»: Ժամը 7-ին ղողանջում են Մայր Տաճարի զանգերը: Հսկումն է ժամն է: Վեհափառ Հայրապետը իջնում է Մայր Տաճար և կարդում առաջին Գիրքը: Տիրոջ մատնության գիշերն է: «Փառք ի բարձունս»-ից հետո քարոզում է գերաշնորհ Տ. Հայկազուն սրբազանը՝ «Յուզա, համբուրելով մատենս զվարդապետն» բնաբանով:



ՄԱՐՏԻ 27-ին, ՈՒՐԱԹ, «Յիշատակ չարաւնաց և խաչելութեան Տեառն մերոյ Յիսուսի Քրիստոսի»:

Առավոտյան ժամը 9-ին կատարվում է խաչելության կարգը:

Երեկոյան ժամը 5-ին Թաղման կարգն է: Նախագահում է Վեհափառ Հայրապետը:



ՄԱՐՏԻ 28-ին, ՇԱՐԱԹ, «Ճրագալոյց Զատիկի»: Հարություն ճրագալույցի երեկոն է: Հոգևոր Ծննդանի ուսանողներից շորս հոգի



հաշտող-կերպով ընթերցում են Դանիելի գիրքը, որից հետո սկսվում է սուրբ պատարագը: Պատարագին է գերաշնորհ Տ. Մահակ արքեպիսկոպոսը:

Ճրագալույցի սուրբ պատարագին ներկա է Վեհափառ Հայրապետը:

Հավարտ սուրբ պատարագի Վեհափառ Հայրապետը եկեղեցական թափորով, «Այսօր յարեալ» շարականի երգակցությամբ, առաջնորդվում է Վեհարան:



ՄԱՐՏԻ 29-ին, ԿԻՐԱԿԻ, «Զատիկ յարութեան Տեառն մերոյ Յիսուսի Քրիստոսի»:

Գարուն է ամեն կողմ և տոնական տրամադրություն Մայր Աթոռում:

Վեհափառ Հայրապետը, առավոտյան ժամը 11.30-ին, առաջնորդվում է Մայր Տաճար, մատուցելու Ս. Հարության տոնի հանդիսավոր սուրբ պատարագը:

Հայրապետական պատարագի ժամանակ Ս. Սեղանին սպասարկում են Մայր Աթոռի եպիսկոպոսներն ու վարդապետները: Մայր Տաճարի երգախումբը, պր. Հրանտ Գևորգյանի ղեկավարությամբ, երգում է սուրբ պատարագը: Սուրբ պատարագին ներկա են Գերագույն Հոգևոր Խորհրդի, Վերստուգիչ հանձնախմբի անդամները, Հոգևոր Ճեմարանի

դասախոսները, Մայր Աթոռի պաշտոնեությունը և այլ հարգարժան անձնավորություններ:

«Հայր մեր»-ից առաջ քարոզում է Վեհափառ Հայրապետը:

Հավարտ սուրբ պատարագի, Վեհարանում, Վեհափառ Հայրապետը ընդունում է զատկական շնորհավորություններ, ապա օրհնում է և բարեմաղթություններ կատարում Մայր Աթոռի և Հայաստանյայց Եկեղեցու պայծառության, Հայրենի երկրի և ժողովրդի խաղաղ առաջընթացի և աշխարհի խաղաղության համար:

Ժամը 4-ին Վեհափառ Հայրապետը բարեհաճում է զատկական Իր սեղանին մասնակից դարձնել Մայր Աթոռի միաբանության, Գերագույն Հոգևոր Խորհրդի և Վերստուգիչ հանձնաժողովի անդամներին, Ճեմարանի դասախոսներին, Մայր Աթոռի պաշտոնեությունը և այլ պաշտոնական անձնավորությանը:



ՄԱՐՏԻ 30-ին, ԵՐԿՐԱՆԻՍԻ, «Յիշատակ մեռելոց»: Պատարագեց հոգեշնորհ Տ. Մատոց արքեպիսկոպոսը, Հավարտ սուրբ պատարագի կատարվեց. «հոգեհանգիստ վասն համօրէն ննջեցելոց»:

